

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 034613/04

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 22.09.2021թ. թիվ 34613 վարչական իրավախախտման վերաբերյալ արձանագրությունը և կից նյութերը,
ՊԱՐԶԵՑԻ

Անհատ ձեռնարկատեր Արման Եսայանը (ՀՎՀՀ՝ 20239211, հասցե՝ ք.Երևան, Կ. ՌԻԼՆԵՑՈՒ 3 ՓԿՂ. 113) համաձայն ՀՀ Հարկային օրենսգրքի 261 հոդվածի 1-ին մասի՝ սահմանված ժամկետում հարկային մարմին չի ներկայացրել 2021 թվականի 2-րդ եռամսյակի շրջանառության հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցներ: Գործում առկա չեն բացատրություններ, լրացուցիչ ապացույցներ և միջնորդություններ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Արման Եսայանի կողմից 2021 թվականի 2-րդ եռամսյակի շրջանառության հարկի հաշվարկը ներկայացվել է ՀՀ Հարկային օրենսգրքի 261 հոդվածի 1-ին մասով սահմանված ժամկետից ուշ՝ 2021 թվականի սեպտեմբերի 22-ին, որից առաջացած շրջանառության հարկի գումարը կազմել է ընդամենը 4.223 ՀՀ դրամ:

Հաշվի առնելով վերոգրյալը և նկատի ունենալով, որ 2021 թվականի 2-րդ եռամսյակի շրջանառության հարկի հաշվարկը ներկայացվել է, ինչպես նաև շրջանառության հարկի հաշվարկից առաջացել է ընդամենը 4.223 ՀՀ դրամ հարկի գումար, ուստի վարչական իրավախախտումը նվազ նշանակություն ունի, և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով՝

ՈՐՈՇԵՑԻ

1. Արման Եսայանին ազատել վարչական պատասխանատվությունից և հայտարարել բանավոր դիտողություն:
2. Արման Եսայանի վերաբերյալ հարուցված թիվ _____ վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազատում այն պարտավորության կատարումից, որը չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: